

### **ORDENANZA 3.23**

## **TAXA POR POSTOS E CASSETAS DE VENDA, ESPECTÁCULOS OU ATRACCIÓNS SITUADOS EN TERREO DE USO PÚBLICO E POR VENDA DE ARTESANÍA NAS RÚAS, VENDA AMBULANTE E RODAXE CINEMATOGRAFICA**

### **Artigo 1º. Fundamento e natureza**

De conformidade co disposto no artigo 20.1.A), ambos da Lei 39/1988 do 28 de decembro, reguladora das Facendas Locais, modificado pola Lei 25/98, de 13 de xullo, de modificación do réxime legal das taxas estatais e locais e de reordenación das prestacións patrimoniais de carácter público, este Concello establece a taxa por utilizacións privativas ou aproveitamentos especiais derivados da ocupación da vía pública ou terreos de uso público con postos e casetas de venda, espectáculos ou atraccións, e por venda de artesanía nas rúas, venda ambulante e rodaxe cinematográfica, a que se refire o art.20.3. n) da devandita Lei 39/88, que se rexirá pola presente Ordenanza fiscal. E cuías normas atenden ó previsto no artigo 58 da devandita Lei 39/88 e na Ordenanza xeral de circulación e uso da vía pública do Concello de Santiago de Compostela.

### **Artigo 2º. Feito imponible**

Constitue o feito imponible da presente taxa a utilización privativa ou aproveitamento especial do dominio público local pola ocupación do mesmo por postos e casetas de venda, espectáculos ou atraccións, así como por industrias callejeras e rodaxe cinematográfica.

### **Artigo 3º. Suxeitos pasivos**

Son suxeitos pasivos, en concepto de contribuintes, as personas físicas e xurídicas, así como as entidades a que se refire o art.33 da L.X.T. que disfruten, utilicen ou aproveiten especialmente o dominio público local, en beneficio particular.

### **Artigo 4º. Base imponible**

A base imponible está constituída polo número de metros cuadrados de dominio público local ocupados polos postos e casetas de venda, polos espectáculos ou atraccións así como polas industrias callejeras.

**Artigo 5º. Cota tributaria**

1.- A cota tributaria resultará de aplicar á base as seguintes cantidades:

- a) No caso de venda ambulante na rúa Nova.....43,24 €/ano/m2
- b) No caso de venda ambulante no mercado de salgueiriños .....51,66 €/ano/m2
- c) No caso de venda ambulante na praza de Ameas .....74,45 €/ano/m2
- d) No caso de venda ambulante na praza do Obradoiro .....26,73 €/ano/m2
- e) No caso de venda de xelados e castañas .....38,71 €/ano/m2
- f) No caso de venda de lambetadas.....12,36 €/ano/m2
- g) Por cada posto ou caseta de venda
  - Ata 6 m2 .....1,07 €/mes/m2
  - De 6 a 10 m2 .....2,08 €/mes/m2
  - Máis de 10 m2 .....3,09 €/mes/m2

2.- No caso de rodaxes cinematográficos, espectáculos, atraccións e similares, pagarase unha cantidade fixa de 343,15 €/día.

**Artigo 6º. Periodo impositivo e obriga de contribuir**

- 1.- Cando o feito imponible esté constituído polo exercicio da venda ambulante ou pola utilización privativa do dominio público con casetas e postos de venda o período impositivo coincide co ano natural, excepto cando se trate de supostos de inicio da utilización privativa ou aproveitamento especial do dominio público local, en cuio caso abarcará desde a data da concesión da autorización municipal ata o remate do ano natural.
- 2.- Asemesmo e para estes casos, a taxa devégase o 1 de xaneiro de cada ano e as cotas serán irreducibles, salvo cando nos casos de inicio da utilización privativa ou aproveitamento especial do dominio público local a data de inicio non coincida co ano natural, de tal xeito que neste caso as cotas calcularáanse proporcionalmente ó número de trimestres naturais que resten para rematar o ano, incluído o de comenzo da utilización ou aproveitamento especial.
- 3.- No caso de cese na utilización privativa ou aproveitamento especial as cotas serán prorrateables por trimestres naturais, computando no prorrateo aquel no que se produce o cese.
- 4.- Cando o feito imponible esté constituído pola utilización privativa ou aproveitamento especial do dominio público pola realización de rodaxes cinematográficas, espectáculos, atraccións e similares nos que a cota tributaria establécese nunha cantidade fixa por día, o período impositivo abarcará os días que figuren no acordo de concesión da autorización, devengándose a taxa o día de inicio da utilización privativa ou aproveitamento especial.

### **Artigo 7º. Normas de xestión**

- 1.- O pago das debidas tributarias correspondentes á tasa por venda ambulante e por postos e casetas de venda realizaráse semestralmente nas oficinas da Recadación municipal mediante a expedición de recibos en base ó censo no que figuran os suxeitos pasivos da presente taxa.
- 2.- Nos supostos de ocupacións temporais os suxeitos pasivos están obrigados a presentar a correspondente declaración – liquidación nos impresos habilitados ó efecto pola Administración Tributaria local e a realizar o ingreso da liquidación resultante nas oficinas da Tesourería Municipal ou nas entidades bancarias debidamente autorizadas, o que se deberá acreditar no momento de presentar a correspondente solicitude.

### **Artigo 8º. Beneficios fiscais**

- 1.- Gozarán dunha bonificación do 50% da débeda tributaria os rodaxes cinematográficos e similares, sempre que se acredite que o produto resultante contribúe de xeito destacado á promoción da cidade e se faga constar a colaboración do Concello de Santiago nos créditos e na promoción dos films.
- 2.- Gozarán dunha bonificación do 50% da débeda tributaria os circos en función das especiais características desta actividade.
- 3.- O órgano competente para a concesión ou denegación das bonificacións será a Comisión de goberno.

### **Artigo 9º. Infraccións e sancións**

Para todo o relativo á calificación das infraccións tributarias e a imposición das sancións correspondentes, rexeirá o disposto nos artigos 77 e seguintes da Lei Xeral Tributaria.

### **DISPOSICIÓN DERRADEIRA**

A presente Ordenanza foi aprobada de xeito provisorio polo Pleno da Corporación na sesión celebrada o día dezoito de novembro de dous mil tres. Se non se presentan reclamacións enténdese aprobada definitivamente. Comezará a aplicarse a partir do primeiro de xaneiro do ano dous mil catro, e aplicarase mentres non se acorde a súa derogación ou modificación.